

Inatsisartut suleriaasiat § 37 immikkoortoq 1 naapertorlugu matumuuna Naalakkersuisunut apeqquut imaattoq saqqummiupparput:

KUJATAANI IMMAKKUT ANGALLANNEQ QANOQ AAQQIVIGINIARNEQARPA?

(Kaj Lyberth & Anders Olsen, Siumut)

Tungavilersuut:

2013-ip aallartinneraniit helikopterit S-61-it atorunnaarnerisa kingorna Bell 212-it taarsiullugit kujataani angallanneq aallartimmat kinguaattoornerpassuit peqqutaallutik innuttaasut naamagittaalliuutaat imaaginnavissimapput. Taamatuttaaq kujataani ukiorpassuarni ingammik immakkut nunaqarfinnut kiffartussinerup sumiginnarneqarsimanera peqqutaalluni ilaatigut ajunaarnernik kinguneqartarsimavoq, taamaattumik sinissami kujataani silaannakkut angallassinerup ataavartumik aaqqiivigineqarnissaata tungaanut Bell 212-it saniatigut immakkut illoqarfiit nunaqarfiillu akornanni patajaatsumik angallassinerup piaartumik aaqqiivigineqarnissaa, tassalu Kommune Kujalliup aamma Namminersorlutik Oqartussat akornanni isumaqatigiissusiortoqarnissaa pisariaqarpoq, taamaalilluni innuuttaasunut minnerunngitsumillu inuussutissarsiutitigut, takornariaqarnerup kujataatalu ineriartorneranut pitsaanerusumik kinguneqarnissaa anguneqarsinnaaniassammat.

Apeqquteqaatitta ullut suliffiusut qulit iluanni akineqareersimanissaat kissaatigaarput.